

## Christliche Reichpredig.

sey/da hab der Hauptmann Eysias schuld daran / dann er habe das vnterkommen/ vnd solchen mit grosser gewalt auß ihren Händen geführet/derhalben/so kōmen sie jetzt zu ihm/ vnd bitten/das er diesen schädlichen vnd Kekerischen Menschen wolle hinrichten lassen.

Gleich wie nun ihr geliebten/der H. Apostel Paulus/ von den Kindern Israel/als ein schädlicher Mensch/Auffrührer/Keker/vnd verächter aller guten Ordnung ist angeklagt worden / eben dises werden noch heutigs tags / die Rechtglaubigen vñ bekennen der Göttlichen Wahrheit auch beschuldiget / vnd neben dem / noch viel anders grewliches dings/als wie sie so ein schändliche Gottlose Lehre führen.

Sie Glauben nit/das Gott Allmächtig/dz er Warhaftig sey / sie verlaugnen das seligmachende Essen vnd Trincken / des Leibs vnd Bluts Christi im H. Nachtmal: Item/sie betten nur ein halben Christum an/machen Gott zum vrsacher der Sünden: Lehren/ wer zum ewigen Leben versehen sey / der müsse Selig werden / er thue was er wolle/ vnd was der grewlichen schrecklichen Anklagen mehr sind.

Aber ihr geliebten/diser Anklagen vnd beschuldigung/ sind wir kein einkige geständig/es kan vns auch kein Mensch mit grundt der Wahrheit vnd auß Gottes Wort / das beybringen/vnd vberweisen / man sage auch wz man wolle / wir Verdammen viel mehr alle die/sa solches Lehren vnd Glauben/denn wir haben ja auch Gewissen/wir haben auch Seelen/wir wissen auch wol/ das so wir vnser arme Seelen einmahl solten verlieren/wir dieselbigen in Ewigkeit nimmermehr finden würden / wann wir sie aber einmahl zum ewigen Leben durch Gottes gnad erhalten / so seind sie ewiglich erhalten / derwegen lassen wir vns die Seligkeit ein rechten ernst